

3

omnia mecum commemorans, anno elapso, cum Petro Maria Marchetto, & Thoma Bozzola probatissimis amicis meis, honestissimis Bibliopolis studiosorum utilitati consulentibus, de gravissimis auctoribus pertractans, qui elucubrationes utilissimas ediderunt, inter ceteros ordinis mei aucthores conspicuos, proposui etiam Reuer. Fratrem Raynerium Pisanum sacri ordinis Praedicatorum aetate sua clarissimum, qui summam quae Pantheologia inscribitur refferam sanctorum patrum doctrina, & praecipue admirabilis D. Thomae qui in omni facultatum genere sanctae Romanae Ecclesiae fulgentissimum lumen existit, doctissime elucubrauit: quam & scolastici doctores, & verbi Dei concionatores, & paenitentium sacri auditores, tanti faciunt, ut nemo sit iudicio fulgens qui ea suam Bibliothecam exornare non desideret. Cumq; bis tantum fuerit impressa, cismontani bibliopole in talem huius operis venerunt egestatem, quod nec etiam inflorentissimis ciuitatibus reperiri posset, & quae latenter alibi reperiebantur, annotationibus ornamentis, & eo carebant splendore, quo aucthorum praclarium libri ad studiosorum utilitatem & delectamentum, tempestate nostra, insigniri solent. Decreuerunt igitur (me efficaciter suadente, Petrus Maria, & Thomas praefati, ingenui viri, de studiosis optime meriti, sumptibus proprijs, hanc Fratris Raynerij Pisani summam, omni doctrina, tum concionantibus, tum subtiliter cum practice disputantibus accomodatam, splendidissimam iterum in lucem prodere, ne quod maxime sacrae Theologiae consulti proficere potest amplius desideretur. Et in hoc opere peragendo, cum mihi totius negotij summa fuerit delata, laborem & studium quale potui, (non enim legendi ac disputandi solitum munus praetermisi) libentissime impertitus sum. Eam nanque corrigere, & quae obscure, ac imperfe-

ete,